

Na osnovu člana 16. Zakona o upravi („Službeni glasnik Bosne i Hercegovine“, broj 32/02 i 102/09), člana 48. alineja 6. i člana 51. Okvirnog zakona o visokom obrazovanju („Službeni glasnik Bosne i Hercegovine“, broj 59/07 i 59/09), člana 6. i člana 12. Statuta Agencije za razvoj visokog obrazovanja i osiguranje kvaliteta („Službeni glasnik Bosne i Hercegovine“, broj 86/09), direktor Agencije za razvoj visokog obrazovanja i osiguranje kvaliteta Bosne i Hercegovine, uz saglasnost Upravnog odbora sa 1. sjednice održane 03.02.2025. godine, **d o n o s i**

P R E P O R U K E

o visini troškova akreditacije visokoškolskih ustanova i studijskih programa u Bosni i Hercegovini

Član 1. (Predmet)

(1) Ovim Preporukama o visini troškova akreditacije visokoškolskih ustanova i studijskih programa u Bosni i Hercegovini nadležnim obrazovnim vlastima se preporučuje definisanje finansijskog okvira za osiguravanje nesmetanog provođenja djelotvornog, transparentnog i pristupačnog procesa akreditacije visokoškolskih ustanova i studijskih programa u Bosni i Hercegovini zasnovanog na realnoj procjeni troškova i koristi, a sve to poštujući principe ekonomičnosti i efikasnosti.

Član 2. (Cilj Preporuka)

(1) Cilj ovih Preporuka je harmonizacija onih akata nadležnih obrazovnih vlasti kojima se definišu način finansiranja i troškovi postupka akreditacije visokoškolskih ustanova i/ili studijskih programa.

Član 2. (Sadržaj Preporuka)

(1) Agencija za razvoj visokog obrazovanja i osiguranje kvaliteta Bosne i Hercegovine (u daljem tekstu: Agencija) je, u skladu sa članom 48. alineja (6) Okvirnog zakona o visokom obrazovanju u Bosni i Hercegovini („Službeni glasnik Bosne i Hercegovine“, br. 59/07 i 59/09), “nadležna za davanje savjeta o politici rada i razvoja ministarstvu Republike Srpske, kantonalnim ministarstvima i Brčko Distriktu BiH“, te Agencija u okviru svojih nadležnosti preporučuje gore navedenim subjektima donošenje akata kojima se jasno definišu:

- iznos troškova institucionalne akreditacije visokoškolske ustanove u statusu Univerziteta, sa ili bez instrumenta recenzije studijskih programa (analogno se primjenju na Visoku školu);
- iznos troškova akreditacije visokoškolske ustanove u statusu Visoke škole;
- iznos troškova akreditacije pojedinačnog studijskog programa;

- iznos troškova klasterske akreditacije studijskih programa (razvrstano po broju studijskih programa grupisanih u klasteru).

(2) Preporučuje se nadležnim obrazovnim vlastima da u svojim aktima, u skladu sa stavom (1) ovog člana, jasno definišu:

- iznos naknade za svakog člana Komisije domaćih i međunarodnih stručnjaka koji daju ocjenu i obavljaju reviziju kvaliteta i daju preporuke o akreditaciji visokoškolske ustanove i/ili studijskog programa (u daljem tekstu: Komisija stručnjaka);
- iznos naknade za imenovanog predsjednika Komisije stručnjaka;
- iznos naknade za sekretara Komisije stručnjaka;
- iznos naknade troškova putovanja za svakog člana Komisije stručnjaka;
- iznos naknade troškova smještaja za svakog člana Komisije stručnjaka.

Član 4. **(Stupanje na snagu)**

Ove preporuke stupaju na snagu 8 dana od dana donošenja i biće objavljene na službenoj internet stranici Agencije.

Broj: 05-02-2-77-1/25
Datum: 04.02.2025. godine

D I R E K T O R
Prof. dr. sc. Enes Hašić s.r.